

imeachtaí

Féile na Bealtaine, An Daingean
Aibreán 28–2 Bealtaine
www.feilenabealtaine.ie

Ionad Cultúrtha Bhaile Bhúirne
30 Aibreán **Oll-cheolchoirm**
Chruinniú na bhFlúiteanna le
hAoiife Granville, John Wynne,
Hammy Hamilton, Conal Ó Gráda,
John Blake
12 Bealtaine **Premiere Domhanda**
ceardlaine scannánaíochta le
rannpháirithe 'Scéalta Mhúscraí'
agus Dónal Ó Céilleachair
13 Bealtaine **Ceolchoirm Music**
Network le hOlov Johansson,
Tom Morrow, Gerry O'Beirne agus
Conor Byrne www.musicnetwork.ie

Connacht/Laighin

Áras Éanna, Inis Oírr
Aibreán: **Taispeántas '10 mbliana**
ag fás' taispeántas leis na
healaíontóirí ar fad a bhí ina
ne-ealaíontóirí cónaitheacha thar
deich mbliana san ionad.
Satharn, 30 Aibreán – Ceolchoirm
le Noel & Aisling Hill
Bealtaine **Taispeántas J.M.Syngé**
Imeachtaí gach Satharn i rith na
mósa.
7 Bealtaine **Branar** le Clann Lir
14 Bealtaine **Ceolchoirm** le
Norianna Kennedy
21 Bealtaine **Ceolchoirm** le Caladh
Nua
27 Bealtaine **Fruitcake** – dráma le
Mary McEvoy
28 Bealtaine **Parting Glass** – dráma
le Ray Yeates
Meitheamh Taispeántas le Hardy
Langer i rith mí an Mheithimh

Aoine 3 Meitheamh **Ceolchoirm** le
Michelle Burke & Alan Kelly
Satharn 4 Meitheamh **Ceolchoirm**
le Paddy Keenan agus James Riley
Aoine 10 Meitheamh **"Inis Oírr**
Toradh na hOibre" – Riona Uí Ógáin,
Béalóideas Coláiste na hOllscoile,
Baile Átha Cliath,
11/12 Meitheamh **Féile an**
Phátrúin
Satharn 18 Meitheamh **"Galway**
Gairl" – dráma le True West & Cora
Fenton
Domhnach 19 Meitheamh –
Ceolchoirm le Seán Tyrell, K
Glackin, Rónán Browne.
20-24 Meitheamh **CRAICEANN** –
Féile na mBodhrán le Fíidil agus
Beoga
Satharn, Domhnach 25–26
Meitheamh **Féile Scannán Super 8**
lúil **Taispeántas** Tir/Éadaigh
Traidisiúnta Inis Oírr i rith mí lúil.
Aoine/Satharn 1/2 lúil **Féile**
Scannán – 'Aran of the Saints' le
ceol beo ar stáitse
Aoine 8 lúil **Oscailt Taispeántais**
'Tir' & Taispeántas Éadaigh
Thraidisiúnta Inis Oírr **'Dráma**
Jonathan Swift' le David Heap.
Aoine 15 lúil **Oscailt Taispeántais**
'Tir' in Amharclann Halla na
Cathrach, Gaillimh.
Aoine agus Satharn 16 & 17 lúil
Fishamble le Pat Kinevane "Silent"
agus "Forgotten"
23 & 24 lúil **Féile Drámaíochta Inis**
Oírr le hE. MacEochagáin agus
Breandán Ó Muiri
Aoine 29 lúil **John Beag Ó Fatharta**
agus na hAncairí



Domhnach 31 lúil **John Spillane**
lúil **Seó Samhraidh Inis Oírr**, gach
Céadaoin lúil & Lúnasa.

15-24 lúil **Féile Iorras**
Béal an Mhuirthead

29 Aibreán –

1 Bealtaine
Féile Joe Éinniú
Carna



8-12 Lúnasa

Ceol na Lochs, Tuar Mhic Éadaigh
www.ceolnalochoa.com
ceolnalochoa@gmail.com

Dún na nGall

Tionscnamh Lugh: Trad Tráthnóna
lúil/Lúnasa gach oíche **Dé Máirt**
Ionad Cois Lochs
Gach eolais ar www.tlugh.com
Oíche
amhránaíochta,
Tigh Hiúdaí Bhig an
dara hoíche
Chéadaoin sa mhí
Gach eolais ar
www.tlugh.com



10 -14 Meitheamh
Féile Scannán Faisnéise
Ghuth Gafa
Gort an Choirce, Tír Chonaill.
www.guthgafa.com

16-19 lúil **Soilse Thoráí**
Oileán Thoráí, Co. Dhún na nGall.

lúil **Scoil Samhraidh Fídléireachta**
Ghleann Cholm Cille
Gleann Cholm Cille,
Co. Dhún na nGall
www.ceolsaghleann


29-31 lúil **Féile Thraidisiúnta Chnoc**
Fola
Chnoc Fola, Co. Dhún na nGall.

9-24 lúil **Féile an Earagail.**
www.eaf.ie

Áisitheoirí Ealaín na Gaeltachta
Connachta & Co. na Mí:
Muiréann Ní Dhroighneáin
(091) 503220
m.nidhroighneain@udaras.ie
Mumha:
Eibhlín de Paor
(066) 9150100/(026) 45366
e.depaor@udaras.ie
Tír Chonaill:
Micheál Mac Aoidh
(074) 9560100 m.macaoidh@udaras.ie
Féidhmeannach Forbartha:
Micheál Ó Fearraigh
(074) 9560100 m.fearraigh@udaras.ie

Coinnígí súil amach do ríomhlíthir
mhíosúil Ealaín na Gaeltachta i
gcomhair nuachta, deiseanna
maoinithe, agus imeachtaí ealaíne
náisiúnta agus idirnáisiúnta.

Ná dearmadaigí teagmháil a
dhéanamh linn ag
ealain@udaras.ie má tá aon
bhlúirín eolais agaibh ar mhaith
libh a fhógairt, nó má tá aon
chomhairle uaibh maidir le
tionscnamh ealaíne a fhorbairt sa
Ghaeltacht.



Ealaíona na Gaeltachta

Bealtaine 2011

Eisithe ag Ealaín na Gaeltachta Teo,
Údarás na Gaeltachta, Na Forbacha, Co. na Gaillimhe.
(091) 503 100 ealain@udaras.ie



Gradam Físín bronnta ar scannánaí

Comhghairdeas le **Cathal Ó Cuaig** a bhuaigh gradam **Físín**, comórtas gearrscannán a d'eagraigh Féile Scannán an Daingin le scannánaíocht i nGaeilge a spreagadh. Bhí Ciste €5,000 ina iomláine i gceist agus roghnaíodh cúigear le freastal ar an 5ú Féile Scannán an Daingin Mí an Mhárta seo caite, féile faoi stiúir Maurice Galway, a bhfuil clú bainte amach aici mar fhéile cheana féin. Rinne an cúigear roghnaithe cur i láthair ar a n-íarratais os comhair painéil agus do lucht féachana beo. Bronnadh €500 ar cheathrar de na scannánaí agus fuair scannánaí amháin, Cathal Ó Cuaig, an príomhdhuais €3,000 agus luach suas le €1,000 de threalamh soilsithe ar cíos ó Teach Solais chun an gearrscannán atá acu a



Éamonn de Buitléar ag bronnadh gradam Físín ar Chathal Ó Cuaig ag Féile Scannán an Daingin

dhéanamh agus é a chur i láthair ag Féile Scannán an Daingin 2012. Bronnadh leabhar nótaí ar gach scannánaí, déanta as leathar i gcomóradh na féile, ag Conor Holden.

Ba hiad Thomas Quinn, Brian Ó Tiomáin Seóna Ní Bhrian, Sibéal Davitt na buaiteoirí eile.

Breis Eolais 085 8214788
www.dinglefilmfestival.com

Scríbhneoirí Shailearna

Déanann Pádraig Ó Cíobháin cur síos ar ngrúpa scríbhneoirí a thagann le chéile faoina stiúir féin i gceantar Chois Fharráige gach Dé Máirt i Seanscoil Sailearna, Indeabhán.

"Ní móide gur 'ceardlann' an focal ceart sa chás so, óir is meitheal ábalta an grúpa a thagann le chéile, tarrac ar chaint, ar scéalta is ar sheanchas acu, d'fhonn iad d'úsáid mar theimpléid is mar fhoinse le hiad a athchúrsáil i bhfoirm na cumadóireachta cruthaithí.

Glactar le haon eárnáil liteartha nó le haon seánra, ó fhíliocht go drámaíocht go haistí go scéalaíocht, idir fhadhíchean is ghearrhíchean san áireamh. Cuirid, an meitheal so, uigí de dhealramh le chéile. Moltar dóibh tógaint ar shuibhreas cultúrtha is chanúna an cheantair.

An modh oibre a bhíonn againn go seoltar chugamsa cóipeanna leictreonacha dá dtéacsanna mar cheangaltáin d'fhonn profála a dhéanamh orthu. Dáiltear cóipeanna díobh ansan ar an meitheal chun iad a phlé. Léann na húdair féin a gcuid píosaí os ard. Scaiptear téacsanna le scríbhneoirí eile orthu le hiad a chur ag léamh, agus le go n-úsáidfidís iad mar theimpléid nó mar mhúnlaí

cumadóireachta.

Glactar le gach caighdeán, idir chainteoir seanchleachtaithe agus phrintíseach foghlaiméora. Tá i gceist againn díolaim dá ndéantúis d'fhoilsiú féin dteideal Idir Mhná,* óir siad is mó a fhreastalaíonn. Tá súil againn an togra so a thiomnú do Chaitlín Maude, file, fáidh, fealsamh.

Is ar éigean gur gá a rá go bhfuil fáilte roimh chách i measc na n-urlabhraithe pobail seo"

Eolas: **padraig.ocioibhain@upcmail.ie**

Go nuige seo (Coiscéim, 2005), an cruasach deireanach de shaothar Scríbhneoirí Shailearna a chuir an t-áisitheoir/ t-eagarthóir seo i dtoll a chéile.

Fuair an grúpa seo tacaíocht faoi scéim Ranganna trí Ghaeilge Údarás na Gaeltachta i 2010.

Ceiliúradh ar Mháire Mhaith



Seoladh taispeántas in Ionad an Bhlascaoid dar teideal 'Máire Mhaith' i rith na Cásca seo caite in ómós do dhuine de mhór Ealaíontóirí na hÉireann agus ball d'Aosdána, **Maria Simonds-Gooding**. Is ealaíontóir í **Maria Simonds-Gooding** atá aitheanta go náisiúnta agus go hidirnáisiúnta mar dhuine de na healaíontóirí is cumasaí i saol na péintéireachta agus sa gcló-ealaíon ó na seascaidí ar aghaidh. Tá a cuid saothar le feiceáil i go leor bailiúcháin poiblí agus príobháideacha, Gailearaí Náisiúnta na hÉireann do na fis ealaíon comhaimseartha agus Músaem an Metropolitan i Nua Eabhrac ina measc. Is oiriúnach gurb é Ionad an Bhlascaoid atá mar láthair taispeántais, mar gurb iad na hómhanna agus na téamaí céanna a chuireann síos ar shaol na noileán, a bhíonn go minic mar ábhar ag **Maria**. Ón gcéad uair a tháinig sí go Corca Dhuibhne, thiar

sna caogaidí, chuaigh an ceantar go mór i bhfeidhm ar Mharia agus d'fhan sí dílis do phobal na háite ó shin i leith. Riamh anall, aithníodh ceantair Corca Dhuibhne le saibhreas cultúrtha, le hoidhreacht ársa, le traidisiún litríochta, ceoil agus amhránaíochta. Ar theacht anseo di, thug **Maria** léargas difriúil ar an gceantar trí mhúnla cruthaitheach nua sa bhfisealaíon. Tá mórán fisealaíontóirí áitiúla, go bhfuil cáil forleathan bainte amach acu, tagtha faoi anáil Mharia agus is dual di i gcónaí tacú go fial agus go fonnmhar leo. Leanfaidh an taispeántas seo ar aghaidh go Deireadh Fómhair 2011.

Fuair an taispeántas seo tacaíocht faoi Scéim Forbartha na nEalaíon, Ealaín na Gaeltachta 2010

An Dr Micheál Ó Fionnáin 1954-2010

Príomhfheidhmí Féile na Bealtaine

Chaith an Dr Micheál a shaol ag obair mar dhochtúir teaghligh ina cheantar dúchais in iarthar Dhuibhneach. Ina theannta sin, ba file aitheanta Gaeilge agus Béarla a bhí ann. Foilsíodh dhá leabhar leis i Mí na Nollag go gairid sular caillleadh é – *Clapholas* agus *Ghost Trawler*. Cuimhneofar go mór air mar bhunaitheoir agus mar cheannródaí Féile na Bealtaine, a reachtáilfeair i mbliana 28 Aibreán – 2 Bealtaine.

Chreid an Dr Ó Fionnáin go mór i bhfealsúnacht Ernst Gombrich, a dúirt go bhfuil tionchar ag suíomh seachas a chéile ar an bpróiseas cruthaithe agus ar an ealaíon a bhíonn mar thoradh ar an lonnú sin. Chreid sé go raibh sé tábhachtach ealaíon ón iasacht a chur i láthair phobail Chorca Dhuibhne agus féachaint cad é an tionchar a bheadh ag an nascadh seo



le cultúr na háite féin. Ba dhuine ionspioráid-each, físiúil, neamhspleách, fuinniúil é a roinn a chuid ama agus a thalainn go fial. Is mór an chailliúint é a bhás dá mhuintir féin agus do phobal na háite, agus is boichte go mór saol cultúrtha na Gaeltachta dá éagmais.

Tá féile na bliana seo tiomnaíthe don Dr Ó Fionnáin agus beidh ócáid filíochta agus ceoil ina onóir ag Ostan Crutches, An Clochán ar an Satharn 30 Aibreán.

Steve MacDonogh R.I.P

Fuair an foilsitheoir Steve MacDonogh bás obann ar an 17 Samhain 2010. Bhí baint ag Steve le Leabhar-foilsitheoirí Bhréanainn (Brandon Books) ó bunaíodh an comhlacht sa Daingean sa bhliain 1982. I measc na leabhair a scríobh sé féin tá *Open Book: One Publisher's War*, *The Dingle Peninsula*, *Dingle in Pictures*, agus an leabhar is déanaí leis *Barack Obama: The Road from Moneygall*.

Bhí Steve ina cheannródaí i réimse foilsitheoireachta liteartha na hÉireann agus chuir sé glórtha liteartha nua chun cinn gan staonadh. Bhí obair chliste, straitéiseach, eachtrúil, chróga ar bun aige mar foilsitheoir, agus bhí meas ag a chomhghleacaithe in Éirinn agus thar lear air. Thacaigh sé le scríbhneoirí ag gach

céim dá ngairm, agus mairfidh tionchar a shaothair ar léitheoirí na hÉireann ar feadh na nglún amach anseo. Is mór an chailliúint do shaol na foilsitheoireachta é. Beidh oíche ómóis do Steve MacDonogh ar siúl i dTigh Uí Fhlaitheartaigh sa Daingean ar an 29 Aibreán 6i.n tráthnóna. Fáilte roimh chách.



Reachtálfar oíche ómóis do Steve MacDonogh sa Daingean ar an 29 Aibreán



futa fata

Diosca óir in Éirinn agus dul chun cinn sa tSín!

Cé gur bunaíodh Futa Fata mar lipéad ceoil i mBaile Átha Cliath i 1997, leis an dlúthdhiosca do pháistí, bliain na nAmhrán a eisiúint, is ó 2004 atá sé ag feidhmiú go rialta mar chomhlacht foilsitheoireachta, nuair a athlonnadh sa Spidéal é.

Is é eisiúint **Gugalaí Gug** i 2005 a chuir dlús leis an obair – díoladh 2,000 cóip den dlúthdhiosca/leabhar in achar sé seachtaine agus tá díol leanúnach ó shin air. Rinneadh **Gugalaí Gug** a fhorbairt agus a thairseach le tacaíocht Ealaín na Gaeltachta agus chuidigh Bord na Leabhar Gaeilge le foilsíú an leabhair. Bhronn an eagraíocht IRMA diosca ar Futa Fata, mar aitheantas ar dhíolachán eisceachtúil in Éirinn den chnuasach rannta do pháistí ó thraidisiún Chonamara agus bhí ócáid mór ceiliúradh i Seanscoil Sailearna Indreabháin Mí Márta seo caite. Roimh Nollaig, le tacaíocht ó Ealaín na Gaeltachta, cuireadh seó stáitse, **Gugalaí Gug Beo** i láthair in ionaid éagsúla ar fud Chonamara.

Tá Futa Fata ag comhoibriú le tamall de bhlianta le tithe eile foilsitheoireachta thar lear. Le ceithre bliana anuas, tá eagraí Ghaeilge de leabhair ón mBeilg, ó Shasana, ó Québec Cheanada, ó Mheiriceá, agus ón

Spáinn foilsithe ag an gcomhlacht.

Anuraidh, tosaíodh ar bhunleabhair ficin Ghaeilge a fhoilsiú, ag díriú ar an margadh baile agus ar an margadh idirnáisiúnta araon. Mar thoradh ar an gcur chuige nua seo, beidh leabhair le Bridget Bhreathnach, **Lúlú agus an Oíche Ghlórach** á fhoilsiú i Sínis i mbliana. Tá Futa Fata an-dóchasach go bhfoilseofar chomh maith é i nGaeilge na hAlban i mbliana, maraon le dhá leabhar eile: **Cócó an Colgán Cairdiúil** le hAilbhe Nic Giolla Bhrighde agus **Cití Cearc** le Patricia Forde. Tá comhráite ar siúl faoi na leabhair seo chomh maith le tithe eile foilsitheoireachta sa Chóiré, san Afraic Theas, sa mBriotáin agus inOileáin Fharó.

Beirt atá fostaithe go lánaimeartha ag Futa Fata sa Spidéal, agus duine amháin go páirtaimseartha. Bíonn obair eile á tairiscint ar conradh go rialta do scríbhneoirí, maisitheoirí leabhar, dearthóirí, aistri-theoirí, clódóirí, agus, i gcás an togra **Gugalaí Gug Beo**, foireann ceoltóirí, agus amhránaíthe de gach aois, teicneoirí stáitse, fuaimne, stiúideonna taifeadta, ceamradóirí eagarthóirí fise agus eile.

Tá Futa Fata an-bhuíoch d'Ealaín na Gaeltachta agus d'Údarás na Gaeltachta maidir leis an tacaíocht atá faighte aige leis an méid atá déanta go dtí seo a chur i gcrích.

Faigheann Futa Fata maoiniú leanúnach ó Chlár na Leabhar Gaeilge agus ón gComhairle Ealaíon dá chlár foilsitheoireachta.



An Bealach na Bhaile

Is eagrais ealaíne é Artlink atá lonnaithe in iarthuaisceart Dhún na nGall, grúpa a shamhlaíonn agus a thiománann tionscnaimh ealaíona nualacha le taispeántais agus tograí ealaíon pobail mar thoradh orthu.

Cothaíonn siad rannpháirtíocht agus nascanna samhlaíochta leis an bpobal thríd na himeachtaí éagsúla a reachtáilann siad. Déanann siad infheistíocht in ealaíontóirí úra proifisiúnta Náisiúnta agus Idirnáisiúnta, trí dheiseanna cleachtais a sholáthar dóibh.

I rith an gheimhridh seo caite d'oibrigh siad le déagóirí ó Ghaeltacht na Dúnaibh agus Fanad faoi stiúir na healaíontóirí Denzil Browne agus Seán Ó Cuiréain. Sna ceardlanna a tharla sna Dúnaibh, i bhFanad agus in Artlink i mBun Crannacha, d'fhoghlaim na daoine óga na scileanna fíor-ealaíne a bhaineann leis an bpróiseis grianghrafadóireacht dhigiteach, go bhfuil i bhfad níos mó i gceist ná an rud bunúsach a dhéantar leis an gceamara digiteach.

Thar tréimhse seacht seachtainí rinne siad a gceamaraí féin ó sean ábhar agus brúscar, agus rinne na grianghrafanna a phróiseáil agus a phriondaíl. D'oibrigh siad le h-iomhánna analógach fótagramanna, grianghrafanna mionphoill agus iomhánna dhigiteach. D'fhoghlaim siad scileanna scanannú, déanamh beochana, agus eagarthóireacht chomh maith maraon le haithne a chuir ar a gceantar agus ar a n-oidhreacht féin thríd na scileanna seo.

Eolas agus taispeántas saothar: www.bealachnabhaille.tumblr.com nó declan.sheehan@artlink.ie 074 93 63469

Bhí an tógra seo maoinithe le deontas Scéim Forbartha na nEalaíon, Ealaín Na Gaeltachta. Faigheann Artlink tacaíocht ón Comhairle Ealaíon agus Comhairle Chontae Dhún na nGall.



An Béal Beo

Tionscnamh scéalaíochta léirithe ag an Ionad Cultúrtha Réigiúnach, Leitir Ceanainn.

Tionscnamh scéalaíochta Béal Beo a thug árdán, urraim agus aitheantas poiblí do na scéalaíthe is fearr atá i dTír Chonaill – ealaíontóirí cruthaitheacha atá báite sa traidisiún agus atá ag iompar oidhreacht shuibhne na scéalaíochta. Ba í Gearóidín Breathnach a bhí mar stiúthóir ealaíne ar an tionscnamh agus ba í Meave Nic Suibhne as an gClochán Liath a bhí mar bhainisteoir.

Cuireadh sraith ceardlann ar siúl i seacht gcinn de na bunscoileanna Gaeltachta agus seachadadh an traidisiúin mar cheann de phríomhspriocanna an tionscnaimh. D'inis na seanchaithe carnán mór scéalta agus seanchais do na daltaí scoile in atmaisféar cairdiúil agus neamhfhoirmeálta. D'fhoghlaim na daltaí na scéalta agus amhráin mar aon le gnásanna geatsaíochta a bhaineann le hinseacht na scéalta. D'fhoghlaim siad freisin conas mothúcháin agus tréithe na scéalta a chur in iúl. Bhí sé mar sprioc go mbeadh stíl inste shuimiúil agus iomlán ag na páistí ag deireadh an tionscnaimh, agus go

mbeadh siad ábalta ornáidíocht agus maisiúchán a chur leis na scéalta.

Mar thoradh ar an obair, cuireadh móléiriúcháin ar siúl in ionad Cois Locha Déardaoin 31 Márta. D'inis na seanchaithe agus na scéalaíthe óga réimse leathan scéalta agus bhí ceol agus drámaíocht mar chuid den ócáid chomh maith. Thug na daltaí léargas ar na scéalta atá foghlamtha acu thríd an drámaíocht nó an ceol ag léiriú na tuisceana agus an dearcadh atá acu ar an scéal. Ócáidí móra a bhí iontu a rinne ceiliúradh ar na laochra scéalaíochta agus a chinnteodh go bhfaighidh siad an t-aitheantas agus an urraim atá ag dul dóibh.

Is iad seo a leanas na scéalaíthe/seanchaithe a bheidh páirteach:

- **Cití Sheáin Uí Chuinneagáin** as Teileann.
- **Eoin Ó Curraigh** as Teileann.
- **Brian Ó Baoighill** as Míin na Chearrbhaigh.
- **Donnchadh Rua Ó Baoill** as Loch na nDeorán i Rann na Féirste.
- **Feidhlimidh Mac Suibhne** as an Ard Mhín.
- **Gearóidín Breathnach** as Croithshlí.
- **Treasa Mhic Fhlaiteartaigh** as Oileán Thoraí/an Fál Carrach.

Fuair an tógra Béal Beo tacaíocht faoi Scéim Forbartha na nEalaíon 2010 agus ó Scéim Deis na Comhairle Ealaíon.



Ealaíontóirí Chois Fharráige

Tá grúpa fisealaíontóirí tar éis teacht le chéile i gceantar Chois Fharráige Co. na Gaillimhe le bliain anuas agus Ealaíontóirí Chois Fharráige mar theideal orthu. Gréasán a tháinig le chéile le deiseanna a fhiosrú, forbairt gairme a chothú agus imeachtaí fisealaíne a chur chun cinn sa cheantar. D'aimsigh an grúpa spás oibre ar cíos i gColáiste Chonnacht ar feadh sé mhí, spás riachtanach chun teacht le chéile, oibriú ar a gcuid saothar, agus cruinnithe agus ranganna a reachtáil.

Chruthaigh siad nasc le hÉigse an Spidéil, agus bhí an chéad taispeántas mar ghrúpa acu i rith na féile seo. Ba mhaith leo naisc a chruthú le healaíontóirí eile, féilte, ionaid ealaíne sa Ghaeltacht agus go náisiúnta mar aon le naisc a chothú le healaíontóirí

idirnáisiúnta dá n-eascródh an deis.

Is iad **Meadhbh Ní Eidhin, Diarmuid Russell, Dara McGee, Andrea Rossi, Lisa Uí Choistealbha agus Tom Byrne** ealaíontóirí an ghrúpa seo ach is mian leo cuireadh a thabhairt d'aoi-ealaíontóirí oibríú leo ar thionscnaimh éagsúla. Beidh an grúpa ag forbairt suíomh idirlín i 2011 agus tá spás oibre agus láthair taispeántais ag teastáil ón ngrúpa anois chun go mbeidh deis acu leanacht orthu ag feidhmiú agus ag forbairt a ngairme proifisiúnta, mar aon le deiseanna a chruthú d'ealaíontóirí nua sa cheantar.

Tuilleadh eolais: 087 0670897

Fuair an ghrúpa seo tacaíocht ó Ealaín na Gaeltachta Scéim Forbartha na nEalaíon 2010.



Gliondar

Tionscnamh é Gliondar a thugann traidisiún an bhéaloidis agus na fisealaíne nua-aimseartha – na beochana stop-ghluaiseachta, le chéile go hidirghníomhach ar bhealach suimiúil, spraoiúil agus oideachasúil.

Is iad Rosaleen Ní Shúilleabháin agus Vanessa Daws stiúthóirí an tionscnaimh ar cuireadh tús leis i mí Eanáir, 2011. Dhírigh an grúpa ar scoileanna agus an tógra ina thús toisc go raibh sé éasca goál a chothú leo agus mheas na healaíontóirí go raibh féidearthachtaí ann nasc a dhéanamh idir an tógra seo agus gnéithe éagsúla sa churaclam, mar shampla stair, SESE agus an Ghaeilge.

Tosaíonn an tógra le cuairt seanchaí ar an scoil agus insíonn siad na scéalta áitiúla do na scoláirí. Tagann an bheirt

ealaíontóirí isteach, ina dhiaidh sin, roghnaítear scéal amháin ó na scéalta a dhéanann na daltaí leis an seanchaí agus déantar scrúdú mion ar an scéal. Dearann na daltaí clár scéalta leis na healaíontóirí agus reachtáilann siad ceardlanna beochana stop-ghluaiseachta ina dtugtar an scéalaíocht agus an fhísealaín le chéile. Ag deireadh na ceardlaine, bíonn físeán beochana ar ardchaighdeán cruthaithe bunaithe ar scéal áitiúil, gach píosa uathúil agus speisialta dá gceantar féin. Tionscnamhí seo a thugann deis do na scoláirí scileanna nua a fhoghlaim, scileanna éisteachta, scileanna nua samhlaíochta agus ealaíne mar aon le comhoibriú mar ghrúpa. Tógann siad saibhreas láidir oidhreachta agus teanga leo chomh maith ó thaobh na scéalaíochta de.

Eolas: rosiesully@hotmail.com

Fuair Gliondar tacaíocht ó Scéim Forbartha na nEalaíon 2010

oíche chultúir

Is ócáid ollmhór bhliantúil í an Oíche Chultúir a thugann árdán do shaol cultúrtha na tíre seo. Léiríonn sé iomhá chumhachtach láidir den dea-thionchar atá ag imeachtaí cultúrtha ar an tsochaí.

Ba é 2010 an chéad bhliain don Ghaeltacht a bheith páirteach ann agus bhí breis agus 55 imeacht eagraithe go speisialta ag Ealaíontóirí agus ag eagrais ealaíne i gcomhar le hEalaín na Gaeltachta Teo, ar fud na Gaeltachta don oíche.

D'éirigh thar barr leis agus fuair rannpháirtíocht na Gaeltachta aird na meán náisiúnta.

Deis iontach a bhí ann le féiniúlacht na Gaeltachta a chur os comhair an phobail i gcoitinne agus le cur i gcuimhne dár bpobal féin agus go náisiúnta an ealaíon ardhchaighdeánach atá á cruthú sa Ghaeltacht.

Má tá suim ag aon ealaíontóir nó eagrais ealaíne, nó cultúrtha a bheith páirteach ann i 2011 déan teagmháil le d'Áisitheoir Ealaíne áitiúil.



Coinnígí síl amach do ríomhlitir mhíosúil Ealaín na Gaeltachta i gcomhair nuachta, deiseanna maoinithe, agus imeachtaí ealaíne náisiúnta agus idirnáisiúnta.

Ná dearmadaigí teagmháil a dhéanamh linn ag ealain@udaras.ie má tá aon bhlúirín eolais agaibh ar mhaith libh a fhógairt, nó má tá aon chomhairle uaibh maidir le tionscnamh ealaíne a fhorbairt sa Ghaeltacht.

